

禪宗正脉卷第十

南嶽

勸十

湖請

羅漢智依禪師上堂盡十方世界無一微塵許法與汝作見聞覺知還信麼然雖如此也須悟始得莫將為等閑不見道

勸十

單明自己不悟目前此人祇具一隻眼還會麼僧問纖塵不立為甚麼好醜現前師曰分明記取別處問人

剛荷

章義道欽禪師初住棲賢上堂道遠乎哉觸事而真聖遠乎哉體之則神我尋常

南國請

示汝何不向衣鉢下坐地直下叅取須要上來討個甚麼既上來我即事不獲已便舉古德少許方便抖擻夢子龜毛免角解落向汝諸上座欲得省要僧堂裡三門下寮舍裡叅取好還有會處也未若有會處試說看與上座證明僧問如何是棲賢境界師曰棲賢有甚麼境○江南國主請居章義道場上堂總來這裡立作甚麼善知識如河沙數常與汝為伴行住坐卧不相捨離但長連牀上

穩坐地十方善知識自来叅上座何不
信取作得如許多難易他古聖嗟見今
時人不柰何乃曰傷夫人情之惑又矣
目對真而不覺此乃嗟汝諸人看却不
知且道看却甚麼不知何不體察古人

方便祇爲信之不及致得如此諸上座
但於佛法中留心無不得者無事體道
去便下座

綱目 恩臣逸禪師江南國主請居上院上堂
涼益 願視大衆曰依而行之即無累矣還信

麼如太陽赫奕皎然地更莫思量思量不及
設尔思量得及喚作分限智慧不見先
德云人無心合道道無心合人人道既
合是名無事人且自何是凡自何是聖
於此若未會可謂爲迷情所覆便去離
物十
不得迷時即有窒礙爲對爲待種種不
同忽然省去亦無所得譬如演若達多
認影迷頭豈不擔頭覓頭然正迷之時
頭且不失及乎悟去亦不爲得何以故
人迷謂之失人悟謂之得得失在於人

何聞於動靜

淵清

慈文遂導師嘗究首楞嚴既會真妄緣

起本末精博於是節科注釋文句絡文厥

功既就謁于法眼述已所業深符經旨

眼曰楞嚴豈不是有八還義師曰是曰

明還甚麼師曰明還日輪曰日還甚麼

師愜然無對眼誠令焚其所注之文師

自此服膺請益始忘知解○金陵國主

署雷音覺海大導師問僧從甚麼處來

曰曹山來師曰幾程到此曰七程師曰

行却許多山林溪澗何者是汝自己曰

總是師曰衆生顛倒認物爲己曰如何

是學人自己師曰總是乃曰諸上座各

在此經冬過夏還有人悟自己也無山

僧與汝證明令汝真見不被邪魔所惑

物十

三

僧問如何是學人自己師曰好個師僧

眼目甚分明

淵清羅漢守仁禪師僧來晚叅師曰物物本來

無處所輪明月印心地便歸方丈○住

報恩上堂報恩這裡不曾與人揀話今

日與諸上座揀一兩則話還頌樂麼諸
 上座鶴脰長鳧脰短甘草甜黃蘗苦恁
 麼揀擇還恁雅意麼諸上座莫是血脉
 不通涎水有隔麼且莫錯會环重○僧
 問如何是西來意師曰喚甚麼作西來
 意曰恁麼則無西來也師曰由汝口頭
 道

配清涼 黃山良匠禪師僧問明鏡當臺森羅為甚
 麼不現師曰那裏當臺曰爭柰即今何
 師曰又道不現

釋報 恩玄則禪師○初問青峰如何是學人
 自己峰曰丙丁童子來求火後謁法眼
 眼問甚處來師曰青峰眼曰青峰有何
 言句師舉前話眼曰上座作麼生會師
 曰丙丁屬火而更求火如將自己求自

己眼曰與麼會又爭得師曰某甲祇與
 麼未審和尚如何眼曰你問我我與你
 道師問如何是學人自己眼曰丙丁童
 子來求火師於言下頓悟○開堂日李
 呈與法眼俱在會僧問龍吟霧起虎嘯

李王
法眼
失色

風生學人知是出世邊事到此為甚麼
不會師曰會收好僧舉頭看師又看法
眼乃抽身入眾法眼與李王當時失色
眼歸方丈令侍者喚問話僧至眼曰上
座適來問底話許你具眼人天眾前何

物十

四

不禮拜蓋覆却眼搥一坐具其僧三日
後吐光而終○上堂諸上座盡有常圓
之月各懷無價之珍所以月在雲中雖
明而不照智隱惑內雖真而不通無事
久立○僧問如何是不動尊師曰飛飛

殿颺

淨德

淨德智為禪師上堂從上諸聖方便門不
少大抵抵要諸仁者有個見處然雖未
見且不參差一絲髮許諸仁者亦未嘗
違背一絲髮許何以故烜赫地顯露如
今便會取更不費一毫氣力還省要麼
說道毗盧有師法身有主斯乃抑揚對
機施設諸仁者作麼生會對底道理若
也會且莫嫌它佛語莫重祖師直下是
自己眼明始得○上堂夫欲慕道也須

明也

上上根器始得造次中下不易承當何以故佛法非心意識境界上座莫恁麼憊揆地他古人道沙門眼把定世界幽蓋乾坤綿綿不漏絲髮所以諸佛讚歎讚歎不及比喻比喻不及道上座威光赫奕

亘古亘今幸有如是家風何不紹續取為甚麼自生卑劣枉受辛勤不能曉悟祇為如此所以諸佛出興於世祇為如此所以諸佛唱入涅槃祇為如此所以祖師特地西來

釋高麗國慧炬國師一日國王請入王府上堂師指威鳳樓示眾曰威鳳樓為諸上座舉揚了也還會麼儻若會且作麼生會若道不會威鳳樓作麼生不會珍重

翻寶塔紹巖禪師吳越王命師開法上堂山僧素寡知見本期閑放念經待死豈謂今日大王勤重苦勉山僧效諸方宿德施張法筵然大王致請也祇圖諸仁者明心此外別無道理諸仁者還明心也未莫不是語言談笑時凝然杜默時參

類有

尋知識時道伴商略時觀山玩水時耳目絕對時是汝心否如上所解盡為魔魁所攝豈曰明心更有一類人離身中妄想外別認徧十方世界含日月包太虛謂是本來真心斯亦外道所計非明

心也諸仁者要會麼心無是者亦無不是者汝擬執認其可得乎

明齊

若敬遵禪師僧問牛頭未見四祖時為甚麼百鳥銜花師曰汝甚麼處見曰見後為甚麼不銜花師曰且領話好○師

永樂北藏

禪宗正脉

自述真讚曰真兮寥廓郢人圖獲嶽嶺雲空碧潭月躍

明齊

歸宗築真禪師初名慧超謁法眼問曰慧超咨和尚如何是佛眼曰汝是慧超師從此悟入○上堂諸上座見聞覺知祇

物十

可一度祇如會了是見聞覺知不是見聞覺知要會麼與諸上座說破了也待汝悟始得久立殊重

明齊

樓賢圓禪師上堂出得僧堂門見五老峰一生參學事畢何用更到這裡來雖然

第一九三册

如此也勞上座一轉了也珍重

翻清
深益

新興齊禪師僧問如何得出三界去師曰

汝還信麼曰信則深信乞和尚慈悲師

曰祇此信心亘古亘今快須究取何必

沉吟要出三界三界唯心○師因雪謂

衆曰諸上座還見雪麼見即有眼不見

無眼有眼即常無眼即斷恁麼會得佛

身充滿僧辭去泐潭乞和尚示個入路

師曰好個入路道心堅固隨衆叅請隨

衆作務要去便去要住便住去之與住

更無它故若到泐潭不審馬祖

翻清
深益

古賢謹禪師侍立法眼次眼問一僧曰自

離此間甚麼處去來曰入嶺來眼曰不

易曰虛涉它如許多山水眼曰如許多

山水也不惡其僧無語師於此有省

物上

七

翻清
深益

興福可勲禪師僧問何云法空師曰不空

有偈示衆曰秋江烟島晴鷗鷺行行立

不念觀世音爭知普門入

翻天
台語

永明延壽禪師初住雪竇上堂雪竇這裡

迅瀑千尋不停纖粟奇巖萬仞無立足

靈隱 開山 請 茲

處汝等諸人向甚麼處進步僧問雪竇
一徑如何履踐師曰步步寒花結言言
徹底水師有偈曰孤猿叫落中巖月野
客吟殘半夜燈此境此時誰得意白雲
深處坐禪僧忠懿王請開山靈隱新寺

明年遷永明大道場衆盈二千僧問
如何是永明妙旨師曰更添香着曰謝
師指示師曰且喜沒交涉僧禮拜師曰
聽取一偈欲識永明旨門前一湖水
日照光明生風來波浪起○問學人久

在永明爲甚麼不會永明家風師曰不
會處會取曰不會處如何會師曰牛胎
生象子碧海起紅塵○問成佛成祖亦
出不得六道輪迴亦出不得未審出甚
麼處不得師曰出汝問處不得○問如

何是大圓鏡師曰破沙盆○師居永明
十五載度弟子一千七百人開寶七年
入天台山度戒約萬餘人常與七衆授
菩薩戒夜施鬼神食朝放諸生類不可
稱算六時散花行道餘力念法華經計

永樂北藏

禪宗正脉

第一九三册

萬三千部著宗鏡錄一百卷詩偈賦詠

凡千萬言播于海外

天台

五雲志逢禪師通貫三學了達性相嘗夢

陞須弥山觀三佛列坐初釋迦次彌勒

皆禮其足唯不識第三尊但仰視而已

勸十

釋尊謂之曰此是補彌勒處師子月佛

師方作禮覺後因闕天藏經乃符所夢

○遊方抵天台雲居叅國師賓主緣契

頓發玄秘一日入普賢殿中宴坐條有

一神人跪膝于前師問汝其誰乎曰護

山須

物施主

戒神也師曰吾患有宿德未殄汝知之

乎曰師有何罪唯一小過耳師曰何也

曰凡折鉢水亦施主物師每傾棄非所

宜也言訖而隱師自此沈鉢水盡飲之

積久因致脾疾十載方愈凡折退飲食及涕唾便利

等並宜為指默念 吳越國王嚮師道

風召賜紫衣署普覺禪師命住臨安功

臣院○上堂諸上座捨一知識叅一知

識盡學善財南遊之式樣且問上座祇

如善財禮辭文殊擬登妙峰謁德雲比

善財

三
上

丘及到彼所何以德雲却於別峰相見
夫教意祖意同一方便終無別理彼若
明得此亦昭然諸上座即今簇着老僧
是相見是不相見此處是妙峰是別峰
脫或從此省去可謂不孤負老僧亦常

勸

九

見德雲比丘未嘗刹那相捨離還信得
及麼○上堂古德為法行脚不憚勤勞
如雪峰三到投子九上洞山盤桓往返
約求個入路不得看汝近世參學人纔
跨門來便要老僧接引指示說禪且汝

永樂北藏

禪宗正脉

欲造玄極之道豈同等間而况此事亦
有時節驟求焉得汝等要知悟時麼如
今各且下去堂中靜坐直待仰家峰點
頭老僧即為汝說時有僧出曰仰家峰
點頭也請師說師曰大眾且道此僧會
老僧語不會老僧語僧禮拜師曰今日偶然失鑿○有人

問僧無為無事人為甚麼却有金鎖難
僧無對師代云祇為無為無事○僧問
教中道文殊忽起佛見法見被佛威神
攝向二鐵圍山意旨如何師曰甚麼處
是二鐵圍山僧無語師曰還會麼如今

第一九三册

若有人起佛法之見吾與烹茶兩甌且道賞伊罰伊同教意不同教意

朝天白如報恩永安禪師僧問如何是西來意師曰

過這裡立僧纔移步師召曰會麼曰不會師曰聽取一偈汝問西來意且過這

邊立昨夜三更時雨打虛空濕電影忽

然明不似蚰蜒急

朝天台語紫凝智勤禪師僧問如何是空手把鋤頭

師曰但恁麼諦信曰如何是步行騎水牛師曰汝自何來

朝天台語普門希辨禪師上堂山僧素乏知見復寡

聞持頃雖侍立於國師不蒙一句開示以致今日與諸仁者聚會更無一法可相助發何況能為諸仁者區別緇素商量古今還恠得山僧麼若有恠者且道

此人具眼不具眼有實主義無實主義

晚學初機必須審細○僧問如何是普

門示現神通事師曰恁麼則闍黎恠老

僧去也曰不恠時如何師曰汝且下堂

裏思惟去

光慶遇安禪師僧問無價寶珠師請分付師

曰善能吐露曰麼則人人具足去也師

曰珠在甚麼處僧禮拜師曰也是虛言

○問提綱舉領盡立賓主如何是主師

曰深委此問曰如何是賓師曰適來向

汝道甚麼曰賓主道合時如何師曰其

令不行○上堂欲識曹谿旨雲飛前面

山分明真實個不用別追攀僧問古德

有言井底紅塵生山頭波浪起未審此

意如何師曰若到諸方但甚麼問曰和

曹谿

尚意旨如何師曰適來向汝道甚麼乃

曰古今相承皆云塵生井底浪起山頭

結子空花生兒石女且作麼生會莫是

和聲送事就物呈心句裡藏鋒聲前全

露麼莫是有名無體異唱玄譚麼上座

勸十

十一

自會即得古人意旨即不然既恁麼會

不得合作麼生會上座欲得會麼但看

泥牛行處陽燄翻波木馬嘶時空花落

影聖凡如此道理分明何須久立珍重

嗣天華嚴慧達禪師僧問如何是古佛心師曰

山河大地○問如何是華嚴境界師曰滿目無形影

翻天九曲慶祥禪師翻天僧問險惡道中以何為津梁曰以此為津梁曰如何是此師曰築着汝鼻孔

翻天開化行明禪師僧問如何是開化門中流出方便師曰日日潮音兩度聞

翻天瑞鹿遇安禪師翻天得法於天台又常閱首楞嚴經到知見立知即無明本知見無見斯即涅槃師乃破句讀曰知見立

知即無明本 知見無 見斯即涅槃
於此有省有人語師曰破句了也師曰
此是我悟處畢生不易時謂之安楞嚴
翻天華慧居禪師開堂示眾曰從上宗乘到
這裡如何舉唱祇如釋迦如來說一代

時教如餅汪水古德尚云猶如夢事寐
語一般且道據甚麼道理便甚麼道還
會麼大施門開何曾壅塞生凡育聖不
漏纖塵言凡則全凡舉聖則全聖凡聖
不相待個個獨稱尊所以道山河大地

長時說法長時放光地水火風一一如是時有僧出禮拜師曰好個問頭如法問着僧擬進前師曰又沒交涉也○上堂龍華這裡也祇是拈柴擇菜上來下去晨朝一粥齋時一飯睡後喫茶但恁

勸

十二

麼叅取珍重

^變齊雲遇臻禪師僧問圓明了知為甚麼不
因心念師曰圓明了知曰何異心念師
曰汝喚甚麼作心念○秋夕閑坐偶成
頌曰秋庭肅肅風颼颼寒星列空蟾魄

永樂北藏

禪宗正脉

高搭願靜坐神不勞鳥窠無端吹布毛

^變瑞鹿

本先禪師上堂你諸人還見竹林蘭

若山水院舍人象麼若道早則心外有
法若道不見爭奈竹林蘭若山水院舍
人象現在擬然地還會恁
麼告示麼若會不妨靈利無事莫立○
上堂大凡叅學未必學問話是叅學未

必學棟話是叅學未必學代語是叅學
未必別語是叅學未必學捻破經論中
奇特言語是叅學未必捻破祖師奇特
言語是叅學若於如是等叅學任你七
通八達於佛法中儻無見處喚作乾慧

第一九三册

參

之徒豈不聞古德道聰明不敵生死乾
慧豈免苦輪諸人若也參學應須真實
參學始得行時行時參取立時立時參
取坐時坐時參取眠時眠時參取語時
語時參取默時默時參取一切作務時

勸

十三

一切作務時參取既向如是等時參且
道參個甚人參個甚麼語到這裡須自
有個明白處始得若不如是喚作造次
之流則無究了之旨○上堂幽林鳥叫
碧澗魚跳雲片展張瀑聲鳴咽你等還

休

知得如是多景象示你等個入處麼若
也知得不妨參取好○上堂你等諸人
夜間眠熟不知一切既不知一切且問
你等那時有本來性無本來性若道那
時有本來性又不知一切與死無異若
道那時無本來性睡眠忽省覺知如故
還會麼不知一切與死無異睡眠忽省
覺知如故如是等時是個甚麼若也不
會各體究取無事莫立○上堂諸法所
生唯心所現如是言語好個入底門戶

且問你等諸人眼見一切色耳聞一切
聲鼻嗅一切香舌了一切味身觸一切
輕滑意分別一切諸法祇如眼耳鼻舌
身意所對之物為復唯是你等心為復
非是你等心若道唯是你等心何不與

你等身都作一塊了休為甚麼所對之
物却在於你等眼耳鼻舌身意外你等若
道眼耳鼻舌身意所對之物非是你等
心又爭柰諸法所生唯心所現言語留
在世間何人不舉著你等見這個說話

天台發三門

還會麼若也不會大家用心商量教會
去幸在其中莫令厭學無事且退○上
堂天台教中說文殊觀音普賢三門文
殊門者一切色觀音門者一切聲普賢
門者不動步而到我道文殊門者不是

勸十

十四

南泉遷化

一切色觀音門者不是一切聲普賢門
者是個甚麼莫道別却天台教說話無
事且退○上堂舉僧問長沙南泉遷化
向甚麼處去沙曰東家作驢西家作馬
僧曰學人不會沙曰要騎便騎要下即

下師曰若是求出三界脩行底人聞這
 個言語不妨狐疑不妨驚惶南泉遷化
 向甚處去東家作驢西家作馬或有會
 云千變萬化不出真常或有會云須會
 異類中行始會得這個言語或有會云

東家是南泉西家是南泉或有會云東
 家郎君子西家郎君子或有會云東家
 是甚麼西家是甚麼或有會云便作驢
 叫又作馬嘶或有會云喚甚麼作東家
 驢喚甚麼作西家馬或有會云既問遷

化蒼在問處或有會云作露柱處去也
 或有會云東家作驢西家作馬虧南泉
 甚麼如是作家會也摠於佛法有安樂
 處南泉遷化向甚處去東家作驢西家
 作馬學人不會要騎便騎要下即下這

勸十

十五

個話不消得多道理而會若見法界性
 去也沒多事珍重○上堂鑑中形影唯
 憑鑑光顯現你等諸人所作一切事且
 道唯憑個甚麼顯現還知得麼若也知
 得於叅學中千足萬足無事莫立

翻天興教洪壽禪師同國師普請次聞陸新有

省作偈曰撲落非他物縱橫不是塵山

河及大地全露法王身

翻天蘇州永安道原禪師僧問如何是佛師曰

咄這旃陀羅曰學人初機乞師方便師

曰汝問甚麼曰問佛師曰咄這旃陀羅

進景德傳燈錄

翻天雲居道齊禪師徧歷禪會學心未息翻天後

於上藍院主經藏法燈一日謂師曰有

人問我西來意答它曰不東不西藏主

永樂北藏

禪宗正脉

作麼生會師對曰不東不西燈曰與麼

會又爭得曰道齊抵恁麼未審和尚尊

意如何燈曰它家自有兒孫在師於是

頓明厥旨有頌曰接物利生絕妙外生

終是不肖它家自有兒孫將來用得恰

好頌古見清涼

翻天秀州羅漢院顛昭禪師上堂山河大地是

真善知識時常說法時時度人不妨諸

上座叅取僧問羅漢家風請師一句師

曰嘉禾合穗上國傳芳曰此猶是嘉禾

第一九三册

家風如何是羅漢家風師曰或到諸方
分明舉似

寶支提支提辯隆禪師上堂巍巍寶相畱塞虛空
金剛之體無有破壞大衆還見不見若
言見也且實相之體本無青黃赤白長

勸十

十六

短方圓亦非見聞覺知之法且作麼生
作個見底道理若言不見又道巍巍寶
相畱塞虛空為甚麼不見僧問如何是
向上一路師曰脚下底曰恁麼則尋常
履踐師曰莫錯認

又惟樓賢澄湜禪師僧問毗目仙人執善財手

見微塵諸佛祇如未執手時見個甚麼

師曰如今又見個甚麼聯珠

明千光環省禪師精究律部聽天台文句棲

心於圓頓止觀後閱楞嚴文理宏濬未

見

能洞曉一夕誦經既久就寐假寐夢中

見日輪自空而闌開口吞之自爾倏然

發悟差別義門泮然無滯後叅永明永

明唯印前鮮無別指喻

崇崇福慶祥禪師上堂諸禪德見性周徧聞

性亦然洞徹十方無內無外所以古人
道隨緣無作動寐常真如此施為全真
智用

嗣承雲居義能禪師上堂不用上來堂中憍陳
如上座為諸上座轉第一義法輪還得

勸

十七

麼若信得及各自歸堂叅取下座後却
問一僧祇如山僧適來教上座叅取聖
僧聖僧還道個甚麼僧曰特謝和尚再
舉○問如何是佛師曰即心是佛曰學
人不會乞師方便師曰方便呼為佛回

光返照看身心是何物

歸宗慧誠禪師僧問如何是祖師西來意
師曰不知乃曰問話且住直饒問到窮
劫問也不着答到窮劫答也不及何以
故祇為諸人各有本分事圓滿十方亘

古亘今乃至諸佛也不敢錯諸人便謂
之頂族祇是助發上座所以道十方法
界諸有情念念以證善逝果彼既丈夫
我亦尔何得自輕而退屈諸上座不要
退屈信取便休祖師西來祇道見性成

佛其餘所說不及此說

瑞巖義海禪師僧問釋迦掩室於摩竭淨

名杜口於毗耶未審如何示衆師曰汝

不欲我開談曰未曉師機師曰且退○

問如何是無位真人師曰這裡無安排

你處

洞玄靈隱玄本禪師見僧看經乃問看甚麼經

僧無語乃示頌曰看經不識經徒勞損

眼睛欲得不損眼分明識取經

剎功堯峰顯暹禪師僧問承教有言是法平等

無有高下如何是平等法師曰堯峰高

寶峰低曰恁麼則成高下去也師曰情

開雷知汝恁麼會○聞雷聲示衆曰還聞雷

聲麼還知起處麼若知起處便知身命

落處若也不知所以古人道不知天地

勤

六

者剛道有乾坤不如喫茶去○僧問亡

僧遷化向甚麼處去也師曰蒼天蒼天

乃曰祇如末後僧問亡僧遷化向甚麼

處去也山僧向它道蒼天蒼天且道意

落在甚麼處莫是悲傷遷逝痛憶道人

麼若乃恁麼平論實謂罔知去處麼更不用久立歇去○上堂冬去春來樓閣門開若也入得不用徘徊諸上座還向這裡入得也未若也入得所以古人道是處是彌勒無門無善財若也入之未得自是諸上座狂走更不怗怗久立珍重

詞聖善昇禪師上堂若論佛法更有甚麼事所以道古今山河古今日月古今人倫古今城郭喚作平等法門絕前後際諸

人還信得及麼若信得及依而行之久立珍重

詞興教惟一禪師僧問佛未出世時如何師曰白雲數重日出世後如何師曰青山一朵

詞西余體柔禪師上堂一人把火自燼其身一人抱冰橫屍於路進前則觸途成滯退後則噎氣填胸直得上天無路入地無門如今已不柰何也良久曰待得雪消去自然春到來

可定

定山惟素山主僧問達磨心印師已曉試
舉家風對衆看師曰門前有個長松樹
夜半子規來上啼○問如何是定山境
師曰清風滿院日忽遇客來如何抵待
師曰莫嫌冷淡乃日若論家風與境不

樂

易酬對多見指定處所教它不得自在
曾有僧問大隨如何是和尚家風隨曰
赤土盡斲箕又曰肚上不貼榜且問諸
人作麼生會更有夾山雲門臨濟風穴
皆有此話播于諸方各各施設不同又

作麼生會法無異轍殊途同歸若耍省
力易會但識取自家桑梓便能紹得家
業隨處解脫應用現前天地同根萬物
一體喚作衲僧眼睛綿綿不漏絲髮苟
或於此不明徒自玲瑯辛苦

洞淨

淨土惟正禪師有問曰師以禪師名乃不
談禪何也師曰徒費言語吾懶靈假曲
折但日夜煩萬象為敷演耳言語有間
而此法無盡所謂造物無盡藏也

洞勝

靈隱延珊禪師上堂與上座一線道且作

麼生持論佛法若也水洩不通便教上
座無安身立命處當此之時祖佛出頭
來也有二十棒分恁麼道山僧還有過
也無不見世尊生下周行七步目顧四
方一指天一指地云天上天下唯
佛十
吾獨尊雲門云我當初若見一棒打殺
與狗子喫却何以如此貴圖天下太平
且道雲門恁麼說話有佛法道理也無
雖然如此雲門祇具一隻眼久立环重

禪宗正脉卷第十

永樂北藏

禪宗正脉

第一九三册

永樂北藏

禪宗正脉

第一九三册